



SLUŽBENE NOVINE

KANTONA SARAJEVO

Godina XXII – Broj 11

Četvrtak, 23. marta 2017. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), Vlada Kantona Sarajevo, na 74. sjednici održanoj 09.03.2017. godine, donijela je

ODLUKU

O UTVRĐIVANJU KRITERIJA ZA IMENOVANJE NA POZICIJE PREDSEDNIKA I ČLANOVA UPRAVNOG ODBORA KANTONALNE AGENCIJE ZA PRIVATIZACIJU SARAJEVO

Član 1.

(Predmet odluke)

Ovom odlukom Vlada Kantona Sarajevo utvrđuje kriterije za imenovanje na pozicije predsjednika i članova Upravnog odbora Kantonalne agencije za privatizaciju Sarajevo.

Član 2.

(Uslovi za imenovanje predsjednika i članova Upravnog odbora)

- (1) Za predsjednika ili člana Upravnog odbora Kantonalne agencije za privatizaciju Sarajevo može biti imenovan kandidat koji ispunjava sljedeće opće uslove:
 - a) da je državljanin Bosne i Hercegovine,
 - b) da je stariji od 18 godina,
 - c) da nije osuđivan za krivično djelo,
 - d) da nije osuđivan za privredni prijestup nespojiv sa dužnošću u upravnom odboru,
 - e) da se protiv njega ne vodi krivični postupak,
 - f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
 - g) da se na tog kandidata ne odnosi član IX. 1. Ustava Bosne i Hercegovine,
 - h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH" broj 70/08),
 - i) da nije stariji od 65 godina na dan imenovanja.

(2) Pored općih uslova iz stava (1) ovog člana, kandidat koji se imenuje za predsjednika ili člana Upravnog odbora Kantonalne agencije za privatizaciju Sarajevo mora ispunjavati i sljedeće posebne uslove:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja,
- b) da ima najmanje pet godina radnog staža u struci,
- c) da poznaje propise iz oblasti privatizacije,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da posjeduje sposobnost upravljanja finansijskim resursima,
- g) da nema privatni finansijski interes u Kantonalnoj agenciji za privatizaciju Sarajevo,
- h) da posjeduje komunikacijske i organizacijske sposobnosti i da je naklonjen timskom radu,
- i) da ima pozitivne rezultate rada ostvarene tokom karijere,
- j) da nije član upravnog ili nadzornog odbora u drugom organu ili instituciji.

(3) Prilikom predlaganja kandidata vodit će se računa o spolnoj i nacionalnoj zastupljenosti kandidata.

Član 3.

(Oglašavanje)

- (1) Na osnovu ove odluke objavit će se javni oglas, te provesti postupak i način imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine i Zakonom o Kantonalnoj agenciji za privatizaciju Sarajevo.
- (2) Za provođenje ove odluke zadužuje se komisija koja se imenuje posebnim rješenjem Vlade Kantona Sarajevo.

Član 4.

(Čuvanje kriterija)

Kriteriji za imenovanje čuvaju se u evidenciji Vlade Kantona Sarajevo.

Član 5.

(Prestanak važenja dosadašnje Odluke)

Stupanjem na snagu ove odluke prestaje da važi Odluka o utvrđivanju kriterija za imenovanje na pozicije predsjednika i članova Upravnog odbora Kantonalne agencije za privatizaciju Sarajevo ("Službene novine Kantona Sarajevo" br. 6/09 i 40/15).

Član 6.

(Stupanje na snagu odluke)

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-9462-25/17

9. marta 2017. godine

Sarajevo

Premijer

Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 9. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Vlada Kantona Sarajevo, na 74. sjednici održanoj 09.03.2017. godine, donijela je

ODLUKU

**O PONIŠTENJU I PONOVNOM RASPISIVANJU
JAVNOG OGLASA ZA IMENOVANJE PREDSEDNIKA
I ČLANOVA UPRAVNOG ODBORA KANTONALNE
AGENCIJE ZA PRIVATIZACIJU SARAJEVO**

I

Poništava se Javni oglas za imenovanje predsjednika i članova Upravnog odbora Kantonalne agencije za privatizaciju Sarajevo objavljen u "Službenim novinama Federacije BiH", broj 82/16 od 19.10.2016. godine i dnevnom listu "Oslobodjenje" od 19.10.2016. godine.

II

Raspisuje se javni oglas za imenovanje predsjednika i članova Upravnog odbora Kantonalne agencije za privatizaciju Sarajevo, koji je sastavni dio ove Odluke.

III

Za provođenje ove Odluke zadužuje se Ministarstvo privrede i Komisija koja je imenovana Rješenjem Vlade Kantona Sarajevo broj 02-05-8923-58.3/15 od 14.05.2015. godine.

IV

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-9462-26/17

09. marta 2017. godine

Sarajevo

Premijer

Elmedin Konaković, s. r.

Na osnovu čl. 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 Ispravka) i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 9. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Vlada Kantona Sarajevo

PONIŠTAVA JAVNI OGLAS

za imenovanje predsjednika i članova Upravnog odbora Kantonalne agencije za privatizaciju Sarajevo objavljen u "Službenim novinama Federacije BiH" broj 82/16 od 19.10.2016. godine i dnevnom listu "Oslobodjenje" od 19.10.2016. godine, te ponovo objavljuje

JAVNI OGLAS

**ZA IMENOVANJE PREDSEDNIKA I ČLANOVA
UPRAVNOG ODBORA KANTONALNE AGENCIJE ZA
PRIVATIZACIJU SARAJEVO**

I. Predmet javnog oglasa

Objavljuje se javni oglas za imenovanje predsjednika i članova Upravnog odbora Kantonalne agencije za privatizaciju Sarajevo (predsjednik i četiri člana).

Izbor i imenovanje predsjednika i članova Upravnog odbora izvršiće Skupština Kantona Sarajevo, na prijedlog Vlade Kantona Sarajevo.

II. Opis pozicije

Upravni odbor upravlja Agencijom, donosi Statut i druge opće akte, donosi Poslovnik o radu, donosi Pravilnik o unutrašnjoj organizaciji Agencije, donosi finansijski plan i program rada Agencije, donosi završni račun i izvještaj o radu Agencije, osniva komisije i radna tijela i vrši druge poslove u skladu sa zakonom.

III. Mandat

Predsjednik i članovi Upravnog odbora imenuju se na period od dvije godine.

Konačno imenovana lica ostvarit će pravo na naknadu za svoj rad u Upravnom odboru.

IV. Uslovi za pozicije

Svi kandidati moraju ispunjavati opće i posebne uslove.

Opći uslovi:

- da je državljanin Bosne i Hercegovine (dokaz: uvjerenje o državljanstvu),
- da je stariji od 18 godina (dokaz: izvod iz matične knjige rođenih ili kopija CIPS-ove lične karte),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa),
- da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- da nije osuđivan za krivično djelo (dokaz: uvjerenje nadležnog MUP-a),
- da nije osuđivan za privredni prijestup nespojiv sa dužnošću u upravnom odboru (dokaz: uvjerenje nadležnog suda),
- da se protiv njega ne vodi krivični postupak (dokaz: uvjerenje nadležnog suda),
- da nije stariji od 65 godina na dan imenovanja,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa).

Posebni uslovi:

- da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: original ili ovjerena kopija diplome),
- da ima najmanje pet godina radnog staža u struci,
- da poznaje propise iz oblasti privatizacije,
- da posjeduje sposobnost za savjesno, odlučno i odgovorno obavljanje povjerene funkcije,
- da posjeduje sposobnost nepristrasnog donošenja odluka,
- da posjeduje sposobnost upravljanja finansijskim resursima,
- da nema privatni finansijski interes u Kantonalnoj agenciji za privatizaciju Sarajevo,
- da posjeduje komunikacijske i organizacijske sposobnosti i da je naklonjen timskom radu,
- da ima pozitivne rezultate rada ostvarene tokom karijere (dokaz: potvrda, uvjerenje ili preporuka poslodavca),
- da nije član upravnog ili nadzornog odbora u drugom organu ili instituciji.

Prilikom izbora vodiće se računa o spolnoj i nacionalnoj zastupljenosti kandidata.